

As Harwstwind äwer de Stoppel weht,
 Dumm liggen drei Burken in Herzlichkeit
 Taufamen unner den Schatten-Bom
 Un sein herin up den gräunen Strom
 Up den gräunen Rhein, up olle Borgen,
 Un singen herin in den hellen Morgen.
 Sei singen, ob't päßt, is ganz egal;
 Ehr Led schallt lustig dörch Barg un Dal,
 Sei singen en Jeder, wat Jeder weit,
 Doch wat sei singen, ut Hartensfreud'.
 Dat is de olle leiwe Sang,
 De schallt tanerst, wenn't Hart noch fri,
 Un klingt denn nah dat Lewen lang
 Mit sine säute Melodi;
 Dat is de Lust, de rute breckt,
 Wenn Gottes Herrlichkeit
 So warm un vull taum Harten spreckt,
 Wenn't frisch un jung noch sleit.
 Wat künmert't uns, wo't rute künmt,
 Wat künmert't uns, wo't stümt?